

Кому Республикаса том войтырлөн газет



2014
төв шөр
31-өд
лун

4 №
(1129)



Олимпиада
кежлө дасьөсь!

**Тайо
НОМЕРЫН**

Январь 21 лунө Сыктывкарса вөр техникумлон Кебангъ-ёльса филиаллон выпускникъ-яслы котыртлісны удж аддзём куза «Карьера-2014» ярманга. Аддзысьлөмсö вöчис Кулөмдін районса йөзөс уджөн мөгмөдан шöрин.

5
л.б.

Удора районса Вожскöй посёлөкын эм школа, көнi велөдчöны шань да авгя челядь.

Дзик комиыс абу, сöмын роч, лезгин, таджик, украинеч, туркмен да мукöд кывгя челядь, но найö велөдöны коми кыв. А кызди нö мөд ног? Öд олам Коми муын, сідзкö, колö гөгөрвоны, тöдны йöзлысь кыв-традиция.

8-9
л.б.

Вьль во жежлö Көрткерöс районса Висерысь да Ыджыд-видзысь войтыр ветлім Велікöй Устюг карö Көдзыд пöль дорö гөститны. Ыджыдвидзысь Ольга Витальевна Кондачкова мөд да квайтöд класса челядькөд, а Висерысь ми, Оксана Васильевна Пинягина да Роза Егоровна Ивашева, мөд да витöд классакөд.

12-13
л.б.

Кык вежон мысти нин кутам пасйыны Вежа Валентин лун. А тэ кызди дасьтысян сы жежлö? Мөвпыштін нин, кызди кутан чолөмавны радейтана пөвтö? Мый козыналан? «Йөлөгэ» газет вөзйö дасьтыны ас киөн вөчөм мича откытка. Но мый, видлам?

16
л.б.

Вай ёртасям!

Чолөм, пыгди пуктана лыдгысьысьяс!

Миянлы зэв нимкодъ, кор электроннöй пошта восьтөм бöрын адгзам тiянсянь письмө-юөръяс, торйөн нин ылі сикт-грездысь. Чайтам, и тiянлы нöшта на нимкодъ лоö, кор пошталыон-өн вайөм газетысь лыдгяныг ас сиктса лоөм-торъяс йылысь юөръяс. А кыкпöвста нимкодъ лоö, кор интернетысь лыдгясны тiян йылысь оз сöмын ас районын да республикаын, но и Россияын да весиг суйөр сайын олысь ёртъясыг. Öд «Йөлөгэ» газетын йөзөдөм юөръяс позьö лыдгыны тиöтти и comiti.com сайтысь да «ВКонтакте» соцсетьлөн миян группыасы!

Со тайö номерын миян лист бокъясысь позьö лыдгыны и Удора, и Кулөмдін, и Көрткерöс, и Луздор районъясысь статья-юөръяс да гижөд-висьтъяс. Со öд, республикаса кымын пельöсысь письмөыг воис!

А мукöд сикт-грездса томуровлы абу өмөй окота гижны миянлы да ас йывсьыс висьтавны-юөртны. Миянлы тай зэв окота-а! Сідзкö, став сьөлөмсянь виччысям тiянсянь гижөдгяс да пöсь юөръяс! Миянлы вель окота ёртасыны тiянкөд!

Став бурсö сиөмөн, «Йөлөгэ» газет дасьтысьяс.





Коді лои «Миссөн»?

Студентъяслысь гаж кыпыда пасйисны Эжваса коми культура шөринын - сэтчос злысьяс котыртлісны «Мисс Студенчество-2014» конкурс. Вермысьлön ним понда ордйысисны нель ныв.

Медводз нывъяс висътасисны ас йывсьыныс: коні велöдчöны, мый радейтöны вöчны прöст кадö, а тшöтш и номсöдлісны жюриын пукалысьясöс ас вöчöм сёянöн. Таысь öтдор студенткаяс лыддисны радейтчöм йылысь кывбур-висътъяс, а медбöрын петкöдчисны донъялысь водзын мича платтьöясөн.

Жюриön балляс лыддигөн видзöдысьясöс гажöдисны сьылöмön «Шудлу» шöринысь «Позитив» дуэт да КГПИ-са студент Александр Королёв.

Медбöрын лоины тöдса вермысьяс: «Мисс Студенчество-2014» ним босьтис Москваысь «Россияса виль университетын» велöдчысь Валентина Выборова. «Мисс красноречие» нимпас шедöдис Сервис да связь юркараса колледжысь Ольга Сидорова, «Мисс оригинальность» нимпас сетісны Сыктывкарса целлюлозно-бумажной техникумын велöдчысь Надежда Каневалы, а «Мисс очарование» ним босьтис юркараса лесотехнической колледжысь Ирина Коханина.

Анастасия НЕНИНА

Вөрöглы эз сетчыны


Февраль 6 лунö Коми Республикаса национальной музейын вöсьö «Боевой Карандаш. 1941-1945 гг: к 70-летию снятия блокады Ленинграда» выставка.

Сэтысь позö адзыны аслыспöлöс экспонатъяс Ленинградлön оборона да блокада государственной мемориальной музейысь (Санкт-Петербург). Збыльвывса плакатъяс да открыткаяс, «Боевой Карандаш» Ленинградса серпасасъясъяслön снимокъяс.

Айму вöсна ыджыд тыш дырйи «Боевой Карандаш» лои юөр йöзöдысьön, героической-корана кабалаяс, плакатъяс, война петкöдлысь серпасасъяс лэдзысьön, коні тыдалö фашистъяс вылын тешитчöм.

Кöть и кытшалісны фашистъяс Ленинград, «Боевой Карандашлön» кабалаяс пыр чужисны тшыгъялöм да лыйсьöм-бомбитöм вылö видзöдтöг. Серпасасъясъяслön творчествоис петкöдлö Ленинградын олысьяслысь вөрöглы сетчытöмлун, йöзлысь героизм, кодъяс адзисны вын эз сöмын овны, но и уджавны фронтлы да Победалы.

Миян корр.



Изьва дасьтысьö

Изьва районын дасьтысьöны «Изьваса ордйысьöмгъяс» республикаса спортивной фестиваль кежлö.

Таво ордйысьöмыс мунас водзджык, март 13-15 лунъясö, медым фестиваль вылö вермисны волены Ненеч да Ямало-Ненеч автономия кытшгъясысь спортсменъяс. Сідзкö, фестивальыс лои нин регионъяскостаөн.

Ордйысисны войвывса многоборьейн - лыйласны чер да аркан, чеччаласны норт вомön, а ордйысисны дадьясөн, нуодасны лыжи вылын эстафета, ордйысисны вын петкöдлöмын.

Фестивальыс помасъяс март 15 лунö вöралысьяслön дасöд тшупöда паса гажөн.

«Финноугория» сайт серти



КОЛАНА УДЖ

Торкавны оз позь!

Сыктывкарса 65 номера детсадыйсы челядьлы нуодисны туйвывса правилюс кузя аддзысьлом. Ныв-зон висьталисны ГИБДД-са инспекторлы, мый баты-мам мукоддырйи оз видзны ассыныс быд-таснысө туй вылын либө машинаон мунигон. Детсадса шор да гырысь группаысь челядьлы юортисны, кутшом туйвывса пасьяс вермонны паныдасьлыны. Инспектор корис челядьос отсавны краситны найос правилө серти, медым шопер да туй вуджысь морт эз веськавны неминучаө. Дзюлюкьяс окотапырысь босьтисны кианыс уна рома карандашьяс да кутчысисны уджө. А кутшом мича серпасьяс артмисны! Челядь серпасалисны да бөрйисны колана ромьяс быд паслы, а сэсся юклисны найос котырьяс вылө. Шуам, горд знак - оз лэдз мунны, лөз - позьö мунны либө висьталө правилө йылысь.

Мича пасьяс нимкодьмодисны эз сөмын челядьос, но и воспитательясос, быдөн окотитис босьтны серпассө гортас. И тайö бур, гашкө, баты-мам нөшта отчыдысь мөвпыштасны туйвывса индодьяс йылысь.



Татьянаяслы - туйвывса козин

Бөрья кадö пыр тшөкыдджыка паныдалан машинаон рулитысь нывьясөс. А со Таттян лун воча-алигөн юркараса ГИБДД нуодис «Татьяна - водитель» акция.

Кодзыд поводдя вылө видзөдтөг акцияө окотитисны унаон пырөдчыны. «Love Radio» эфирти юортисны акция мунөм йылысь. Руль сайын мунысь Татьянаяслы колис матыстчыны урчитөм инөдз. 10 минут мысти нин воисны куим Тая - буретш налы и вичмисны дона козиньяс. Ставнас урчитөм кадö акцияө мойвиис пырөдчыны квайт нывлы, сөрөнджык воомалы вичмисны флэш-накопительяс.

*Юркараса ГИБДД-лөн юор серти.
Снимокьясыс БНКомилөн сайт вылысь*



АДДЗЫСЬЛӨМ

Январь 21 лунё Сыктывкарса вөр техникумлөн Кебанъельса филиаллөн выпускникъяслы котыртлісны удж аддзём куза «Карьера-2014» ярманга. Аддзысьлөмсö вöчис Кулөмдін районса йöзöс уджөн могмөдан шöрин.

Медым район водзö сөвмис

Пасъям, мый тавося январь помын Кебанъельса филиал помаліс 13 выпускник вөр дасытан да трелёвочной техникаон уджалан машинистъяс нырвизь серти, а июнь помын лоö стрöитчан удж куза 8 мастер.

Аддзысьлөмсö восьтіс йöзöс уджөн могмөдан районса шöринөн веськөдлысь М.Х.Савицкий. Сійö висыталіс медшөр могъяс йылысь, төдмөдіс выпускникъясöс воөм гөсьгыяскөд - районын уджөн могмөдысьяскөд, кодъяслы буретш оз тырмыны диплома специалистъяс. Вöліны тшöтш и Кулөмдін районса администрацияын веськөдлысьöс вежысь Елена Стяжкина, Кебанъель сикт администрациясь Валентина Зайцева, Кулөмдін сиктса администрацияон веськөдлысь Сергей Рубан, «Север» предприятиеон веськөдлысь Александр Шахов, районса администрацияын экономика да налог юкөнын сөветник Константин Лихоманов, «ТЛК Форест» котырын отдел кадровын уджалысь Мария Михайленок.

Елена Стяжкина серти, выпускникъяслы абу быгть сувтны шедөдөм төдөмлун вылын, позьö водзö сөвмөдны асытö. Шуам, районса администрация быд во велөдö лөсьöдны бизнес-план, öд öні эм уна позянлун уджавны ас вылө.

Константин Лихоманов шуис, районын пö оз тырмыны прöстөй уджалысьяс. Та могысь корöны вахтаö мукöд районьсы уджалысьясöс.

- Медводз колö бура петкөдчыны уджын, көть и ичөт удждон вылө, - татшөм кывъясөн петкөдчис Сергей Рубан. Сійö эскөдіс, мый быдöнлы сетас гарантийной письмө, бура кө уджалас сы дорын көть недыр. Шуис, районын пö оз тырмыны пач тэчысьяс, дзоньтасын удж вöчысьяс.

Александр Шахов серти, оз тырмыны татшөм уджалысьясыс буретш гожся кадö.

Мария Михайленок корис ас дорас техникум помалысьясöс сёрнитны удж серти. Шуис налы дасытыны резюме да анкета. Колöны уджалысьяс и Кебанъельын, та йылысь пасйис Валентина Зайцева.

Аддзысьлөм дырйи жö нуөдісны анкетирование. Кывкөртөд вöчөм бöрын позьö шуны: 55 прöцент выпускникыс диплом босытөм бöрын көсийö ад-



дзыны удж, мукöдыс мөвпалöны велөдчыны водзö. 60 прöцентыс көсийö уджавны буретш Кулөмдін районын. Медводз видзөдө удждон вылө 70 прöцентыс, а 75 прöцентыс көсийö уджавны бöрийөм специальность серти.

Велөдчанінъяс пөвстысь выпускникъяс төдчөдісны Сыктывкарса вөр заптан техникумлөн Кебанъельса юкөн, Сыктывкарса Вөр институт, ПУ-20, ПУ-34. Уджөн могмөдысьяс серти, медбура дасытöны специалистъясöс Вөр институтын, Сыктывкарса университетын, УГТУ-ын, целлюлозно-бумажной техникумын, 20 номера училищевын да Сыктывкарса вөр техникумлөн Кебанъельса филиалын.

Том специалистъясын тырмытөмторйөн лыддьöны: вывті уна да дзик пыр ставсö көсийөм, оз кужны донъявны асьнысö, оз кужны нуөдны делөвöй сёрни, удж корсьöмын төдөмлун абутөмлун.

Кулөмдінын оз тырмыны вөр дасытан-заптан машинаон уджалысь механик, вөр техникаон уджалысь оператор, «Е» категория шопер, тракторист, хорвейстер, форвардер, грейдерист, пилограмаын рама вöчысь, автомеханик, стрöитель да мукöд дзоньтасын удж вöчысь.

Медбöрын колö пасйыны, көсийö кө район водзö сөвмыны да кутны том специалистъясöс, татшөм аддзысьлөмгьяссö колö нуөдны тшөкыдджыка.

Йöзöс уджөн могмөдан Кулөмдін районса шöринлөн юөр серти



**Сиктысь - карё
ЮОРВАЯМ**

Бура и гажодчим!

Видза олаг, «Йёлöгын» зильысьяс! Биа пöсь чолöм ыстам тiнялы ми - Корткерöс районьсы Керöсса том войтыр. Виль воён тiянöс! Виль вермёмъясөн! Став бурсö тiянылы. Окота лои и асланым виль-торъясөн юксыштны.

Ми олам-вылам гажаа. Эг и төдлöй, кыззи каникул коли бөрö. А öдйö жö! Кывлiм, мый 2014 восö шуöмаöсь Культура воён. Со и ми виль волөн мегводга лунсяныс нин пöсь петмөн заводитiм уджавны. Луннас посни войтыркöд клубын ворсiм, рытланьыс челядьялөн дискотека вылын пöттöдз йöктiм.

Каникул дырйиыг карса челядыг локтöны бабеге оргас да, весиг гажмылö сиктыг. Мукöд лунас удитiм и гадайтчыштны, и викторина нуöдны. Вöлөмкö, мян том войтырыг төдö, мый Керöс сикт да «Йёлöга» газет костын йитöдыс - ачыс главнöй редактор Галина Валерьяновна Макарова, кодi чужлис мян сиктын. Унаöн сюркнялисны пель саяс и сийö, мый Керöс сикт да Коми Республикаса шылагадрамаа вужвойтыр театр костын эм жö йитöдыг - тайö нималана да уналөн радейтана артист Александр Ветошкин, коглөн вужйис тиöтти петö мян сиктысь. Таысь кыззи уна на юалöм вылö сюри вочакыв, а со Лидия Петровна Логиноватö дзик быдөн мян пöвстысь төдö, а мукöдыс весиг ас синмөн адзылöмаöсь.

Эз артмы сöмын каникул дырйи öтлаын ислашыштны кыр йывсянь, көдзыг вöли да, но нинöм - төв помöдзыс дыр на - удитам.

Рöштво бöрын сиктö петалим и кöлядуйтны, коть йöзсö гажöдыштiм. Сиим, мег керкааныс вöли шоныг, пызан вылааныс пыр вöли нянь да сов, быдөнöс корöсялыштiм - сиим дзоньвидзалун да ёнлун. Став керкаас бура вочаалисны, ыджыг көрзина тыр кампет-печенньö чукөрмис, бурпöт и чöсмасим сэсся.

Став бурсö, дона «Йёлöга». Лоасны вильторъяс да, дзик пыр гижам тэныг, радейтана газет. Адзысьлыштöдз!

«Кодзувкотъяс» котырö ветлысь ныв-зон, Корткерöс районса Керöс сикт.



Эк, Рыжко, Рыжко!..



Шойччан лунö бать ветліс орчча сиктö да вайöдіс чаньöс. Ми, зон-посни, мыйöн аддзим тайöс, пыр и котöртим исласянінсянь миян керка дорö. Ок, и мусаник чаньыс: ичötик, гөрдов гона! Быдöнлы окота матыстчыны да малыштны сійöс, но бать эз тшöкты. Эг на пö ёнасö тöдмасöй да, ог и тöд, кутшöм сылön руыс. Чужъясьö кö, вермас пö и дойдны на кодöскö.

Чаньсö йöртисны гидö, а детинкаяс век на сулалісны карта öдзöс дорын.

- Аски волöй! - öлöдіс бать.

- Саньö, кутшöм тэ шуда! Гашкö, сэсся миянкöд он и кут школаö öтлаын ветлыны? Тэнад öд öні вöв эм, пуксян да вит минутön и воöдчан местаöдз, - завидпырысь шуаліс менам Кирилл ёрт.

- Меным кö тайö вöлыс! - горöдіс Микол. - Кавшаси эськö выліас, шашаритчи бурсыас да бурпöт гөнйиті.

А ме некодлы нинöм весиг шунысö эг вермы - радöйла вомöй пельöдз, воча кыв оз сюр. Мөвпала сöмын: «Вöв! ...Гортын!...Öні лун и вой кута ризъявны!»

Друг ывлаö петіс бать. Сійö, тыдалö, кылöма сёрнисö да матыстчис миянлань:

- Ок, ичöt вежөръяс, тайö öд абу на прамöй вöв, сійöс ёна на колö велöдны, да и выныс оз на судзсы. Сійö дзик жö тیان кодь кага. Но нинöм, он и казьявлöй, быдмас да, ставнытö кутас паськыд мыш вылас катайтны...

Мöд лунас чаньпылы сетім Рыжко ним.

Во куйм мысти миян ичöt да жебиник чибöысь быдмис ыджыд да ён вöв. Рам вöлön бать катліс ю дорысь ва, кыскавліс видз вылысь турун, вöрысь - пес. А ми пыр вичысим, кор нин бырас уджыс, медым котралыштны Рыжко вылын помтöм-дортöм видзьясöд. Бать велöдіс вöвнымöс сувтны пидзöс вылас, медым ми, зон-



посни, вермим кавшасьыны сылön мыш вылö.

Öти асылö бать пырис гидысь да шöпнитіс пельö:

- Рыжкоыд чаньпиöс вайöма.

Ме зэв öдйö чеччи крöватысь да петі гидö. Öдзöс дорын сулаліс чожинь да дзик пыр и кватитіс сойпöлöд:

- Кыдзи велöдлі, пиньяс костад сүй турун сі, медым ичötсö эн вомдзав.

Рыжко бокын сулаліс дзик сы кодь рöма чибук. Вöв-мам дугдывтöг нуліс ассыс медводдза

дятсяö. Менö аддзöм бöрын видзöдліс гөгөрбок да сайöдіс чаньписö, быттöккö полис, мый торйöда найöс. Колöккö, дум вылас уси, кыдзи корккö сійöс торйöдісны жö мам дорсыс.

Чаньпи ньöжйөнникön сөвмис-быдмис. Öтчыд пажын кадö ми лэчим купаитчыны. Рыжко чаньыскöд - миянкöд тшöтш. Ю шöрын вöлі ыджыдкодь ді. Вöвъяс вуджавлісны сэтчö йир-

- Чуксав ас дорад Рыжкоос!

Видзöдам, да миян Рыжко Микол дінын нин варччö. Бергöдчис берегань, а сэсся быттö суныштлöмön лэптыштіс Миколöс ва пысь. Зонка кутчысис Рыжколы бöжас. Тадзи и воöдчисны береганьыс.

Ок, и ошким ми сэки Рыжконымöс! Миколön ыджыдджык Тоня чойыс бөрдіс да окаліс сійöс:

- Донаöй, мездысь тэ миян! Медаль тэныд колö, медаль!..

Коли кад. Ставыс вöлі бур. Но лои вичысьтöмтор. Гожöмнас вöвъяс войбыд йирсьöны видз вылын. Öтчыд рытнас триньöбтіс звöнок, да кодкö юөртіс, тیان пö вöвныд ёна доймöма да куйлö Нахаловкаын.

Бать ёртъяскöд вайисны сійöс тракторön. Чаньпи котраліс Рыжко дінын да некыз эз гөгөрво, мыйла жö оз чеччы мамыс. Челядь быд лун ваялісны сакар да быдсяма чöскыдторсö, медым гөститöдны доймалöм Рыжкоос.

Недель кык на сійö куйліс йöрын, но бурдны сідз эз и вермы. Кодкö лун сиктса мужичöйяс сөвтисны Рыжкоос тракторö. Сійö бөръя вынсысь лэптис юрсö да быттö прöшайтчигмоз видзöдліс миянлань... Вöвлön чужöм кузя тюрис гырысь синва. Бөрдім и ми - челядь да верстыö...

Юлия ЧЕРНЫХ,
10 арöс.
Луздор районса
Мутничка сикт.



КОМИ КЫВ МЕН ДОНА

*Удора районса Вож посёлокын эм школа,
көні велөдчөны шань да авъя челядь.*

Дзик комиыс абу, сөмын роч, лезгин, таджик, украинеч, туркмен да мукөд кывъя челядь, но найө велөдөны коми кыв. А кызди нө мөд ног? Өд олам Коми муын, сідзкө, колө гөгөрвоньы, төдны йөзлысь кыв-традиция.

Миян ныв-зон радейтөны коми кыв

Неважөн, Василей лунө, нуөдїм коми кыв вылын Важ выль во. Дерт, гөсьтгъяслы, челядьлөн бать-мамлы, ковмис вуджөдны гажсө роч вылө, но ставыс зэв бура артмис. Бать-мам да уджъертгъяс чуй-мисны челядьлөн выль нога петкөдчөмысь.

«Йөлөгә» газет миян зэв бур өрт. Сійөн ми вөдитчам урокъяс дырйи, лыдям да вуджөдам челядькөд газетсьыс гижөдгъяс. Меным, челядьбс велөдчысьлы, окота ошкыны газет пыр ассъым быдтасгъясөс да нөшта ставныслысь нимгъяссө лыддөдлыны.

Гаж дырйи ныв-зон чуксалісны Көдзыд пөльбөс да Лымнылөс, йөктісны лым чиргъяслысь йөктөм, висгталісны коз йылысь кывбургъяс. Мөд классын велөдчысьяс - Ханум Алимурәдова, Элина Гюльмагомедова, Оксана Федотова, Катя Обухова, Рая Мокринская - сьылісны мича коми кыв вылын «Козйөй, козийөй, мый сулалан...».

Петкөдлісны Көдзыд пөль, Лымнив да лым чиргъяс йылысь мойд, кывпесангъяс висгталөмөн шензбөдісны нельөд классын велөдчысьяс: Рената Муратшина, Саша Подоров, Жанна Соловьёва, Максим Касумов, Анжела Кабутова, Ярослав Холстинин.

Миян дзюлюкгъяс, медводдза класса велөдчысьяс, ворсісны коми ворсөмгъяс «Изки карнан, ки карнан...», лыддисны кывбургъяс чачаяс йылысь, кодгъясөс Көдзыд пөль козналөма налы Выхь во кежлө. Петкөдлісны «Көч йөктө, йөктө мича табгъя кокнас...» сценка. Зэв авгъяөсь Влада Синюк, Настя Рудак, Никита Кривошеев, Лена Голенева, Ваня Попков.

Витөд классын велөдчысьяс чолөмалісны ставнысө Выхь воөн, сиисны став бурсө донә Коми мулы, Удора районлы, став йөзлы.

Козин пыдди ныв-зон комиөн сьылісны чужан районлы, көні олоны зэв уджач йөз, «Менәм Удора» сьыланкыв, кодөс лөсьөдісны миян землякгъяс Альберт Егорович Ванеев да Михаил Ефремович Скомороков. «Вөрын чужис коз» сьыланкыв комиөн сьылісны Мина Магомедова, Гаджи Гусейнов, Азиз Сулайманов, Маша Рудак да витөд класса велөдчысьяс. Пасгъям, буретш «Йөлөгә» газет отсөгөн тайө артмис: сьыланкывйыслысь историясө да кывгъяссө босгтїм тїян газетгъяс. Сөысь атгьө-алам тагъсь.

Зэв сьөлөмгъянь Көдзыд пөльбөс ворсіс Балабег Казахмедов, а Лымнылөс - Оля Палева. Комиын Рөштво, Василей да Крещеннө йылысь висгталіс Маша Рудак.

Миян челядь зэв өна радейтөны серпасасъны. Гаж кежлө дасгтїсны «Ывла вывтї восьлаө Выхь во» ичөт выставка. Ставныс нимкодгъясисны мича гөрд жонгъясөн, кодгъясөс серпасалісны мөд классын велөдчысьяс, а миян земляк Пётр Бушенёвлысь «Жонь» кывбур лыддис Руслан Алимов.

Помасис гажгъяс козгъяслөн парадөн, кодгъясөс бать-мамкөд өтгшөтш челядь вөчисны ас киён.

Гажгъяс өна воис сьөлөманыс челядьлы да дыр кежлө на кольө налөн паметгьө.

*Валентина ФОМИНА,
Удора районсы
Вож шөр школын велөдчысь.*







ВЫЛЬ КЫВБУРЪЯС

«Йёлга» газет пыр окотапырысь йёзодё коми том-уловлысь выль кывбуръяс. Тайё петасын уси шуд төдмодны тиянос, дона лыддысьысьяс, Куломдин районысь Помосдинса шөр школаын 10 класса велодчысь Максим УЛЯШЕВЛОН ловтё кыпөдана да мича кывбуръясөн.

«Менам шөт чужан му...»

Сиктын олөм

Чужан муой, пашкыр вөрöй...
Зумыш Парма - сёлөмшөрöй!
Ыбъяс, юяс, вөр да ...кымөр.
Тиянысь пыр гажöй бырö.
Сиктад уджыд помся эм:
Мырсьылисны уна нэм!
Быд бур анылön - аслас верös.
Быд семьяын - гортса пемös.
Зіля ытшкöны веж турун:
Мегö-баля сетö вурун.
Тöлын лöсьодöны пес,
Мед кө вөрöдз - уна верст...
Юкмös кудйись сюрö ва:
Енмыс васö сетö на.
Мортлы отсөг сетö арыс:
Эмышт сёлa, эмышт тарыс...
Майбыр, гажа сиктса олөм!
Быд морт тани, грездын, колö...

Менам грездöй

Менам грездöй - олан гажöй.
Менам рöдвуж: бать да мам,
Пöчöй-пöльöй, чойöй-вокöй...
Öтув важön олам тан.
Бадьельйивса паськыд ыбъяс
Менсьым содтöны на вын.
Сёлөм ворсöдчö на, сьылö...
Абу чусыд. Абу кын.
Вермас лоны: вешъя ылö.
Но кöть кытчö ме эг мун,
Чужан грездöй, Бадьельйылöй,
Некор сёлöмысь оз вун.

Рака

Гусясьысь лэбачөн
нимтöны
ракаös
йöзыс.
Сукартö колян да,
син водзад
лэбодас-нуас.
Нинöмла омöльтны
лэбачсö:
абу тан
грöзыс.
Кынöмыд сяммас кө -
мортыс тшöтш
гуыштас-нуас.

Морт

Коми - вежавидзись морт.
Сылön вексö уна ёрт.
Коми мортыд корсьö удж:
Мöд ног овнысö оз куж.
Коми мортлön - зарни ки,
Морös пытшкас - кодзув би.
Ставсö вöчö коми морт.
Вөр-вайс тай сылön - ёрт.
Пестер кыас, пуктас чом...
Пырав татчö пöрысь-том!
Тöвнас заптас колан пес
(Мед кө ветлас уна верст).
Кадыс лоас - кыяс чери.
Пыр тай мыйкö вöчö-керö.



Во гөгөр...

Войвыв муой, чужаніной,
Аслам сиктой, оланіной,
Олан гажой, олан сямой...
Тані менам рөдвуж, мамой...

Тані ывла вылыс - мича!
Сьолөм вылад вексө личыд.
Төвнас шебрасьоны пуяс,
Йион пасьтасьоны юяс.

Көдзыдсьыс оз дзорны йозыс:
Көдзыд пөльлөн ичөт грөзыс.
Арнас муркөдчоны ставныс:
Кылө киподтуй да сям.

Зіля пузласьоны өтүв
Чоя-вока, бать и мам.
Картупельтө керны колө,
Сэссия - тшак-вотөсла мунны.

Он и төдлы, кызди кольө
Зумыш вөрад арся луныд.
...Төвсө коркө тулыс личкө
Пемдө ывла вылын лым...

Шонді югөрсө нин пычкө,
Содтө жуймөм йөзлысь вын.
Нэриникысь, полігтырйи
Сылө мян гөгөр лым.

Ловзьө лов пытшкөсыс мортлөн,
Сьолөм улас лоб пым.
Гожөмыд тан - аттө мича!
Сөмын уджыд - юр выв тыр.

Турун пунктөм - абу личөд.
Зорөдась вай пырысь-пыр!
Ытшкы, курав, косон юрась -
Мед оз падмы уджыд, морт!
Сөмын сэки лючки-бура
Төвсө коллялан тэ, ёрт!

Войвыв кыа

Тані аслыспөлөс енэж...
Пемыд войын - сизим рөма.
Войвыв кыа, тешкодь кыа,
Гөгөр ставсө югзьөдөма.

Уна рөмыс войын ворсө.
Бара дивуйтчоны йөзыс:
Здукон вошис алойгөрдыс,
Вермис сійөс пемыдлөзыс.

Кузьмыльк

Абу ылын... Чомкост сайын
Лун-вой сельгө Кузьмыльк шор.
Сылөн көра чөскыд ваыс!
Апыштан кө, он тай ор...
Гусьон шуам - вежа ваыс...
Волө татчө уна морт.
Матө нэм нин Кузьмыльк нөрыс
Бур йөзыслы быттө горт.

**Парма**

Помтөм-дортөм мян Парма!
Сійө олө уна нэм.
Ловъя лолыс вөрас быдмө,
Лыдтөм пемөс ветлө сэн.
Кылан лэбачьяслысь шыяс.
Аддзан синнад асья ру.
Тані юяс, шорьяс, тыяс.
Тані лыдтөм-тшөттөм пу.
Парма вөрыс, зумыш вөрыс
Вөльнөй светас медся бур:
Сөстөм сынөдыслөн көрыс
Быдсөн вөрзьөдыштө юр.



ТУЙЫН Виль во кежлө Көрткерөс районса Висерысь да Ыджыдвиддзысь томулов ветлім Великөй Устюг карө Көдзыд пөль дорө гөститны. Ыджыдвиддзысь Ольга Витальевна Кондачкова мөд да квайтөд класса челядькөд, а Висерысь ми, Оксана Васильевна Пинягина да Роза Егоровна Ивашева, мөд да витөд классакөд.

Устюг - важ кар, кар-мөйд, кар-музей, ветлысь-мунысьлөн кар. Миянкөд өттшөтти ветліс турист агентствоысь Дмитрий Васильев. Ыджыд аттьо сылы, мый өти лунөн челядькөд унатор аддзылім. Со мый челядь гижөны ветлөм йывсьыс.

Мойдвывса карын -

УСТЮГЫН

«КЛАССӨН ветлім Великөй Устюгө. Көдзыд пөльыд, вөлөм, збыль эм. Сылөн эм паськөм жыр, аддзылі сылысь куим бедь-посох. Великөй Устюгысь мамөлы ньөби каньпи сувенир».

Павел ГАБОВ,
2 класс.

«ГОРТЫСЬ петім рьтнас, өкмыс бөрын. Менө колльөдісны бать-мам. Пуксим автобусө. Сэтшөма көсьи аддзывны Көдзыд пөльөс, мый весиг унмовсьнысө эг вермы. Но унмовсьма жө тай. Палялім - Великөй Устюгыннин. Сэні миянөс виччысис экскурсовод Светлана Юрьевна. Медводз мөдөдчим вильвося важ чачаяслөн музейө - найө, ок, мичаөсь. Мичаа вөчөмаөсь Көдзыд пөльөс да Лымнылөс. Туй вылын миянөс паныдаліс Ёма баба. Сыкөд ворсім да водзө мөдөдчим. Паныдасьлім уркөд, ошкөд, канькөд. Нөшта аддзылім Жар бабаөс. Көдзыд пөльлөн садын быдмөны мича дзоридзьяс, а сылөн узыланінын эм торъя юрлөс, мый вылын узылө сөмын праздник лунө. Сылөн библиотекаын зэв уна небөг, а нөшта эм ыджыд-ыджыд небөг. Вөлөмкө, Көдзыд пөльлөн эм телескоп, сы отсөгөн видзөдө войнас кодзувъяс вылө - мойдө быттьө веськавлан! Ывлаын исламлі буранөн, весиг Емеля моз мойвиис пач вылын муныштны. Дыр виччысянаөн лои Көдзыд пөлькөд аддзысьлөм. Сыкөд сёрнитім, висьталім ас йылысь. Сійө сэтшөм шань. Кадыс быттьө лэбыштис, ковмис нин пуксьыны автобусө да гортлань мөдөдчыны. Нимкодь Великөй Устюгө волөмысь».

Дмитрий НИКИФОРОВ,
5 класс.



«МЕНЫМ кажитчис, кызди котралім мойдвывса ордымөд, воөдчим Көдзыд пөль дорө да катайтчим Емелялөн пач вылын. Көдзыд пөльысь олан жыръясысь медьёна кажитчис узыланіныс. Сійө узылө паськыд кроватын көкъямыс юрлөс вылын. Устюгысь ньөби зэв уна сувенир».

Эвелина МИХАЙЛОВА,
4 класс.



«**ВЫЛЬ** во кежлө зэв бур козин вöчисны бать-мам да мян велöдысьяс. Быдса нелямын морт ветлим Кöдзыд пöль ордö. Лунтырөн унатор жö и аддзылим! Мойдвывса ордымöд котралигөн мянöс ворсöдисны Ёма баба, Ош, Ёжик, Скоморох. А Жар баба юктöдис самöвара тшайөн. Гөститим дас кык төлысь ордын. Аддзылим Кöдзыд пöльлысь оланінсö. Тöдмалим выльвося чачаяслысь да открыткаяслысь история. Гуляйтим Устюг кар кузя».

*Елизавета МАКАРОВА да Настя СЕМЕНЕЦ,
2 класс.*



«**КАРÖН** тöдмасигөн пыравлим чачаяслөн музейö. Мастер-класс дырйи велöдчим вöчны коклаушкаөн прöшви. Кöдзыд пöльлөн вöтчинаын медводз гажöдчим мойдвывса ордымын. Ворсім Ёма бабакöд. Юкмöс дорын мянöс паныдалис Катша, водзö - Ош, Кöч. Лабиринтöд мунöм бöрын воим Ёжик дорö. Сийö петкöдлис зарни чепгьяса пу, көни öшалö Кащей Бессмертныйлөн сундукыс. Тöлысь-вокгьяс дорын мöвпыштi аслам гуся мöвп йылысь, медым збыльмас. Жар баба чöсмöдлис тшайөн. Миянкöд öттшöтш йöктис. Меным зэв ёна кажитчис Великой Устюгö ветлöм».

*Марта ИГУШЕВА,
5 класс.*



«**УСИ** шуд ветлыны Устюгö. Кар кузя гуляйтöм бöрын локтим Кöдзыд пöльлөн вöтчинаö. Медводз тöдмасим мойдвывса ордымөн, көни паныдалим Ёма бабаöс, Ошкöс, Кöчöс, Каньöс. Шонтгисим төлысь-вокгьяслөн бипур дорын. Жар баба дорын йöктим, юим преникөн тшай. Кöдзыд пöльлөн отсасысь сетис мянлы грамота да юмовторгьяс. Пошта вылын висгталисны письмö да открыткаяс йылысь. Медся виччысяна здук - Кöдзыд пöлькöд аддзысьлöм. Сылы сылим, лыддим кывбур да фотографируйтчим. Вöлöмкö, Кöдзыд пöльыд збыль эм. Ныв-зон, гижöй сылы письмö, нимкодмöдöй бур вöчöмторгьясөн».

*Варвара ГАБОВА,
5 класс.*

«**ОКСАНА** Васильевнакöд классөн ветлим Кöдзыд пöль дорö. Кажитчис музей, көни тöдмöдисны выльвося важ чачаясөн. Нöшта воис сьöлөмö ботанической сад - сэнi уна пöлөс кактус да фонтан. Сэсся ми катайтчим буранөн да Емелялөн пач вылын. Меным зэв ёна кажитчис тайö ветлöмы!»

*Семён МИХАЙЛОВ,
2 класс.*

«**ВЫЛЬВОСЯ** чачаяслөн музейын экскурсовод висгталис чачаяслөн история йылысь. Мойдвывса ордым вылын мянöс виччысис Ёма баба - виччысьтöм-сьыс зэв ёна повзи. Катшаöс аддзим юкмöс дорын. Ош ворсис миянкöд паровозөн ветлöмөн. Ми аддзылим Кöдзыд пöльлысь узьланінсö, юрлөссö, весиг тяписö. Сылөн зэв уна козин. Вöлöмкö, сылы тшöтш вайöны козингьяс став мир пасгалаысь».

*Арина ГАБОВА,
5 класс.*

«**ВЕЛИКÖЙ** Устюгын сьöлөмö воис «мастер-класс» вылö ветлöм. Челядь пиысь öтияс вышивайтчисны, а мöдгьяс велöдчисны кыны ки вылö баситчантор. Гуляйтим кар кузя, Набережной вывтi. Вузасыннысь ньöбим гортсаяслы козингьяс. Ветлим Кöдзыд пöльлөн пошта вылö. Ок и уна письмö гижöмаöсь челядь Кöдзыд пöльлы! Вот тадзи коллялим Устюгын лун. Кора ставлы волены сэтчö!»

*Аня ПОПОВА,
7 класс.*

ВОЛОМКО

Нуодны Олимпиада - ыджыд да төдчана лоомтор быд страна-налы. 2014 воын нималана спорт гаж вочаалө миян страна. Быдөн төдө, сійө лоө тавося февраль 7-23 луньясө. Со мый-та лоомтор йитчөма ськөд.

Вочаалам Сочиса Олимпиада!

Россияын Олимпиада вөлі нин 1980 воын. Сэки сійө лыддыссис XXII-өд гоҗся Олимпийской ворсөмөн, а 2014 воын - XXII-өд төвся Олимпийской ворсөм.

Зарни медальыс збыль-вылас абу зарниысь. Найөс дасьтөны эзысьысь, сөмын вывсө зарниөдоны.



Тавося Олимпийской ворсөмгъяс кежлө дась-төма рекорд лыда награ-да. Стөчджыка кө, 1.300 медаль. Найөс дасьтөм вылө мунөма 3 килограмм зарни, 2 тонна эзысь да 700 кг бронза.

2014 вося төвся Олимпийской ворсөмлөн та-лиманөн лоины - Еджыд ош, Көч да Лео-пард. Наөдз Сочиса олысьяс бөрийлысны та-лиманөн лыжи вылын исковтысь дельфинөс, но юөртөм конкурс бөрын лоины выляс. Колө пасйыны, мый Көчөс мөвпыштөма Чувашия Республикаын велөдчысь Сильвия Петрова.

Ворсөмыслысь мед-шөр бисө озтасны бур-ретш сійө факелнас, коді вөлі космосын.



Медшөр слоганыс - «Жаркие. Зимние. Твои».



Екатеринбургын, ме-дым лыддыны уна-ө кад коли Олимпиадаөдз, вө-чөма СССР кадся часі-памятник.


Сочиса став олимпий-ской объектөдз воөдчы-ны абу дыр, сөмын не-кымын минут, а гөраын меститчөм иньяссянь берегдорсаөдз воан 30 минутөн.

Пыртөма өкмыс виль ордйысьөм. На лыдын - нывбаба-яслөн трамплинті чеччыштөм, дадбөн мунан эстафета, фри-стайлын хафпайп да слоупстайл, фигурноя исласьөмын ко-мандаөн петкөдчөм, а сідзжө сноубордын слоупстайл да командалөн параллельной слалом.



Сочиын медся ыджыд стрйба-
ыс «Фишт» олимпийской стади-
он, кытчö төрö 40 сюрс видзö-
дысь. Сы бöрын - Ыджыд йи да
«Айсберг» спортдворечьяс. Кык-
нанас төрö 12 сюрс видзöдысь.

Олимпиада ылö
волас 80 сайö стра-
наысь спортсмен, а
телевизорöд видзö-
дысьлөн лыдыс öк-
мас 3 миллиардöз.



Олимпиада пасйöны весиг
переднеазиатской леопардыяс,
кодьяслөн лыдыс пыр чинö, но
ыджыд спортивной гаж водзын
налөн чужины пиян.

Сочиса Олимпиада лои рекордөн ордысиг-
кежлас сьом видзöмын. Медводдза сметаыс
вöлöма 12 млрд доллар ылö, но збыльылас
сьомыс 300 прöцент ылö унджык ковмöма,
лоöма 50 млрд доллар. Тавося Олимпиада став
историяын лои меддонаөн.

Сочиын саридз дорын меститчöм ыль кер-
каясын öти квадрата метрлөн доныс - 15 сюрс
доллар. А Сочи кар сайын нин кыпöдöм дзик
жö сэтшöм панельной керкаын квадрата
метрлөн доныс - сöмын 2 сюрс доллар.

Сочиса Олимпиада
кежлö вöчöма некымын
стадион, спортивной аре-
на, гостиница, олимпий-
ской грезд, медиа-центр
да конференц-зал.

Ордысьсöм ылö би-
летлөн доныс лоö 500
шайтсынь 50 сюрсöз.



«Коми йöзöдчан керка»
Коми Республикаса
автономной учреждение.

Веськöдлысь
Н.Н.БЫКОВСКАЯ
Гл.редактор
Г.В.МАКАРОВА



Газет панысь:
Печать да юөр сетан Коми
Республикаса агентство.
Регистрируйтöма
2007 вося ноябрь 28 лунö
йöзлы юөр сетöм да
культураса озырлун видзöм
кузя оланпасьяс
збыльмöдöм бöрся
видзöдысь федеральной
службалөн Беломорской
управлениеын.
Регистрируйтан пас:
ПИ №ФС 3-0686.
Социальной тöдчанлуна
гижöдыяссö йöзöдöма «Коми
йöзöдчан керка» автономной
учреждениелы печать да юөр
сетан КР-са агентствöйн
вичмöдöм сьом ылö.



Редакциялөн адрес:
167982, Сыктывкар,
К.Маркс улича,
229-öd керка,
401-402 кабинетьяс.
Тел. 24-12-22, 24-36-49.
E-mail: Yologa@mail.ru



Редакцияын
уджалысыяс:
том йöзлөн мытшöдъяс
юкөнөн веськöдлысь –
Надежда Пунегова;
письмö юкөнөн
веськöдлысь –
Екатерина Микушева.



Медводдза лист бокас
снимокыс
Оксана
Пинягиналөн.



Авторьяслөн мөвпяс оз
пыр лöсявны редакциялөн
видзöдласкөд.




Тираж – 518.
Гижöдчан индекс – 52099.
«Йöлöга» газет петö
1991-öd восянь
вежоннас öтчыл, комиөн.












Печатьö кырымалан кад:
график серти – январь
тöлысьлөн 29-öd лунö
16 часын; кырымалöма
печатьö 16 часын.
Газет печатайтöма
«Коми республиканской
типография» ООО-ын дас
оригинал-макетьясысь.
167610, Сыктывкар,
В.Савин улича, 81
Заказ №



Кык вежон мысти нин кутам пасйыны вежа Валентин лун. А тэ кыдзи дасьтысян сы кежлө? Мөвпыштін нин, кыдзи кутан чолмаавны радейтана пөвтө? Мый козьналан? «Йөлөгга» газет вөзйө дасьтыны ас киөн вөчөм мича открытка. Но мый, видлам?



Колө: мича картон, бархат бумага, линейка, карандаш, ножич, 1,2 см да 0,3 см. пасьта атлас лентаяс, югьялысь гель-карандаш, кыкнан боксянныс ляссьыс скотч, сунис да ем.



- * Медводз бархат бумагаысь вунды сьёлөмгьяс.
- * Картонсө кусынт кык пельö.
- * Сэсся карандаш да линейка отсөгөн чертит визьяс, кытчö кутан лянны атлас лентаястö.
- * Чертитöм визь вылас клеит кыкнан боксянныс ляссьыс скотч.
- * Открытка пытшкас тшöтш клеит ичöтик скотч тор.
- * Босьт кыкнан лентасö: вöсньыдджыксö вур паськыдджык вылас.
- * Дась лентасö клеит скотч вылас (помгьяссö со- тышт, мед оз разьсы).
- * Мичмөдöм могысь нöшта вöч бантик да пысав скотч отсөгөн.
- * Пытшкөссö тшöтш мичмөд сьёлөмгьясөн.
- * Вундалöм сьёлөмгьяслөн «мышкас» клеит скотч торгьяс.
- * Мичаа клеит сьёлөмгьяссö открытка вылад.
- * Нöшта мичмөд югьялысь гель-карандашön сер- пасалөмөн.
- * Миян тай со кутшöм мича открытка артмис-а. А тэнад?